



CUMÜN DA GUARDA

Chasa da scoula
7545 Guarda

telefon 081 862 23 90
fax 081 860 04 84
e-mail: guarda.admin@bluewin.ch

REGLAMAIN

DAVART IL PARCAR VEICULS A MOTOR SÛN TERRAIN PUBLIC

REGLAMAIN**DAVART IL PARCAR VEICULS A MOTOR SÜN TERRAIN PUBLIC**

Relaschè da la radunanza cumünala a basa da l'art. 3 alinea 2 da la ledscha federala davart il trafic sün via (LTV) e da l'art. 7 da la ledscha introductiva chantunala pro la LTV sco eir in cumbinaziun cul art. 25 sqq. da la ledscha da fabrica cumünala.

Art. 1

Intent

L'intent principal dal reglamaint preschaint es quel, da s-chaffir tras masüras adequatas ün uorden da parcar pel cuntegn da Guarda e Garsun chi correspuonda in quist regard als bsögns da la populaziun indigena e dals giasts, promouva la qualità da vita in cumün e mantegna l'attractività dal lö.

Art. 2

Noziuns

Sco piazzas da parcar publicas sün terrain public valan las piazzas da parcar per veiculs a motor generalmaing accessiblas, signalisadas resp. marcadas sün vias e piazzas publicas, sün terrain cumünal sco eir sün areals chi stan i'l dret d'utilisaziun dal Cumün.

Sco piazzas da parcar reservadas sün terrain public valan las piazzas da parcar per veiculs a motor sün implants cumünaiVELS dal Cumün cha quel metta a disposiziun per mez da contrats da servitut funsila e cunter pajamaint a proprietaris d'edifizis e d'implants chi tenor las disposiziuns correspudentas da la ledscha da fabrica cumünala nun han ingüna pussibilità da construir lur piazzas da parcar obligatorias prescrites sün agen terrain o in prosma vicinanza sün terrain privat.

Art. 3

Fundamaint

Il parcar general vain reglà cun agüd d'üna limitaziun locala e temporala.

Dadaint il spazi da l'abitadi da Guarda e Garsun resp. illa zona cun scumond da parcar signalisada esa scumandà da parcar dadour las piazzas da parcar signalisadas resp. marcadas sün terrain public.

Il cussagl cumünal definischa tenor bsögn differentas categorias da piazzas da parcar pel parcar general da veiculs a motor sün terrain public.

Per occasiuns specialas pon limitaziuns da parcar gnir levadas

temporariamaing. Per listessa radschun pon eir gnir relaschats scumonds da parcar temporaris.

Schi nun es pussibel da chargiar e s-chargiar marchanzia, da prestar servezzans, da far lavuors da fabrica o simlas chosas oter co be davent da plazzas da parcar cun limitaziun da temp o be dadour plazzas da parcar marcadas, lura po il cussagl cumünal conceder ün permiss a temp limità, suottamiss a taxas per surpassar la dürada maximala da parcar in quel lö resp. per parcar dadour plazzas da parcar marcadas.

Il parcar cun permiss dadour las plazzas da parcar marcadas nu das-cha impedir l'ulteriur trafic ed eir la sgürezza stradala nu das-cha gnir restretta. Las ordinaziuns da las autoritats cumünalas han da gnir observadas.

Art. 4

Taxas da parcar

Tenor bsögn po il cussagl cumünal introdüer l'oblig da pajar taxas per l'adöver da plazzas da parcar publicas sün terrain public.

Il cussagl cumünal fixa las taxas da parcar per las differentas categorias da plazzas da parcar ad imports adequats. El po applichar pel parcar a lunga dürada davo scuors ün tschert temp üna tariffa plü ota resp. plü bassa. Il cussagl cumünal adatta las taxas da parcar periodicamaing a l'incharimaint ed ad eventualas circumstanzas novas.

Art. 5

Plazzas da parcar reservadas

A proprietaris d'edifizis ed implants chi nun han ingüna pussibilità da construir lur plazzas da parcar per veiculs a motor obligatorias prescrittas tenor las disposiziuns correspondentas da la ledscha da fabrica cumünala e las indicaziuns specificas dal plan da fuormaziun general sün agen terrain o in prosma vicinanza sün terrain privat, metta il Cumün a disposiziun las plazzas mancantas sün seis implants cumünaivels.

Il Cumün surlascha quistas plazzas da parcar als proprietaris d'edifizis ed implants pertocs concedind servituts funsilas davart l'adöver exclusiv ed unic da las plazzas exactamaing determinadas. Il dret d'adöver d'üna tala piazza da parcar vala pel proprietari da l'edifizi o implant correspondent stess, per sia famiglia, per seis fittadins e per seis visitaduors.

Per la concessiun dal dret per far adöver da quistas plazzas da parcar han ils proprietaris autorisats dals edificis ed implants pertocs da pajar al Cumün ün'indemisaziun d'üna suletta jada chi dess cuvernar tuot ils agens cuosts resultats pel Cumün per l'acquist dal terrain e pels cuosts da fabrica e planisaziun.

Ils cuosts pel mantegnimaint da la construcziun da las plazzas da parcar vegnan miss in quint separà dad on ad on tenor las spaisas effectivas, e

quai davo avair infuormà publicamaing davart las singulas expensas. A minchün vain miss in quint l'import in media dals cuosts pel mantegniment da tuot las plazzas da parcar reservadas.

In cas excepziunals motivats po il cussagl cumünal eir dar a fit singulas da quistas plazzas da parcar d'avanz a fittadins permanents indigens. Il fit per üna tala fittanza ha da cuvernar ils agens cuosts chi resultan pel Cumün.

Art. 6

Disposiziuns
penalas

Cuntravenziuns a quist reglamaint vegnan chastadas dal cussagl cumünal cun üna multa fin a CHF 1'000.00, in cas da repetiziun fin a CHF 5'000.00.

La procedura as drizza davo las disposiziuns chantunales davart la procedura penala avant autoritads administrativas.

Art. 7

Execuziun

L'execuziun da quist reglamaint es chosa dal cussagl cumünal. El po delegar quista cumpetenza a funcziunaris cumünals.

Art. 8

Publicaziun e
signalisaziun

Las masüras tuttas a basa da quist reglamaint han da gnir publicadas. La signalisaziun necessaria ha da succeder in perincletta culla pulizia da trafic chantunala.

Art. 9


Entrada in vigur


Quist reglamaint da parcar veiculs a motor sün terrain public aintra in vigur al mumaint ch'el vain acceptà da la radunanza cumünala.

Decis uschè da la radunanza cumünala dals 13 december 2012.

Il capo cumünal:

La chanzlista:


.....
Maria Morell


.....
Seraina Fried